

4-6 9.04.19

ՊԵՏԱԿԱՆ ԳՈՍՅՔԻ ԿԱՏԱՐԱԿԱՆ ԴՐԱՄԱՀՆՈՐԻԻ ԿԱՅՄԱՆԱԳԻՐ N 11000-03-2019

**Պետական գոյքի հաշվառման նոր ավտոմատացված ու ամբողջական համակարգի սպասարկման դրամաշնորհի պայմանագիր**

ք. Երևան

24 հունվար 2019 թ.

Հայաստանի Հանրապետության տնտեսական զարգացման և ներդրումների նախարարության պետական գոյքի կառավարման կոմիտեն (այսուհետ՝ «Նվիրատու»), ի դեմս Նվիրատուի կանոնադրության հիման վրա գործող՝ աշխատակազմի ղեկավարի պաշտոնակատար՝ Ա. Օրոսյանի, մի կողմից և «Պետական գոյքի գույքագրման և գնահատման գործակալություն» պետական ոչ առևտրային կազմակերպությունը (այսուհետ՝ «Նվիրառու»), ի դեմս Նվիրառուի կանոնադրության հիման վրա գործող՝ գլխավոր տնօրենի պարտականությունները ժամանակավորապես կատարող՝ Է. Օհանյանի, մյուս կողմից (երկուսը միասին այսուհետ՝ «Կողմեր»), կնքեցին սույն պայմանագիրը հետևյալի մասին:

### **1. ՊԱՅՄԱՆԱԳՐԻ ԱՌԱՐԿԱՆ**

Ի կատարումն «2019 թվականի պետական բյուջեի կատարումն ապահովող միջոցառումների մասին» Հայաստանի Հանրապետության կառավարության 2018 թվականի դեկտեմբերի 27-ի N 1515-Ն որոշման (այսուհետ՝ «Որոշում») պահանջների և ՀՀ 2019 թվականի պետական բյուջեի 01 բաժնի 06 խմբի 01 դասի 1079 ծրագրի «Պետական գոյքի հաշվառման նոր ավտոմատացված ու ամբողջական համակարգի սպասարկում» թիվ 11005 դասիչով միջոցառման (այսուհետ՝ «Միջոցառում») իրականացման նպատակով Նվիրատուն պարտավորվում է սույն պայմանագրի N 4 հավելվածով սահմանված համամասնություններով, սեփականության իրավունքով, Նվիրառուին անհատույց հատկացնել 3.600.000 (երեք միլիոն վեց հարյուր հազար) ՀՀ դրամ գումարի չափով դրամաշնորհ, իսկ Նվիրառուն պարտավորվում է Միջոցառումն իրականացնել սույն պայմանագրի N 1 հավելվածում նշված աշխատանքների (այսուհետ՝ «Աշխատանքներ») ձևով՝ Որոշմամբ և սույն պայմանագրով սահմանված կարգով՝ սույն պայմանագրի N 2 հավելվածով սահմանված ժամկետներում:

### **2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1** Նվիրատուն իրավունք ունի՝

**2.1.1** Ցանկացած ժամանակ ստուգել Նվիրառուի կողմից Աշխատանքների կատարման ընթացքը և որակը՝ առանց միջամտելու Նվիրառուի գործունեությանը:

**2.1.2** Որոշմամբ սահմանված պահանջներին չհամապատասխանելու դեպքում՝ չընդունել կատարված Աշխատանքները կամ դրանց որևէ մասը՝ սեփական հայեցողությամբ սահմանելով թերությունների անհատույց վերացման ողջամիտ ժամկետ, և Նվիրատուից պահանջելու վճարել սույն պայմանագրի 5-րդ բաժնում նախատեսված տուգանքը:

**2.1.3** Առանց կատարված Աշխատանքների կամ դրանց որևէ մասի արդյունքների դիմաց գումար տրամադրելու՝ միակողմանի լուծել սույն պայմանագիրը և պահանջել հատուցել Նվիրատուին պատճառված վնասները, եթե՝

**ա.** Նվիրատուն ժամանակին չի սկսում Միջոցառման իրականացումը, կամ Միջոցառման իրականացման ժամանակ ակնհայտ է դառնում, որ այն չի կարող պատշաճ իրականացվել,

**բ.** Նվիրատուն երկու և ավելի անգամ խախտել է Միջոցառումով նախատեսված Աշխատանքների կատարման ժամկետները (դրանք նախատեսված լինելու դեպքում),

**գ.** Կատարված Աշխատանքների արդյունքները չեն համապատասխանում Միջոցառմամբ սահմանված պահանջներին:

**2.1.4.** Սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում՝ պահանջել իրեն հանձնել անավարտ Աշխատանքների արդյունքները:

**2.2** Նվիրատուն պարտավոր է՝

**2.2.1.** Կատարել Միջոցառման (դրա որևէ մասի) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ:

**2.2.2.** իրականացնել Միջոցառումով նախատեսված այլ աշխատանքներ:

**2.2.3.** Կատարված Աշխատանքների մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից 5 աշխատանքային օրվա ընթացքում: Եթե ներկայացված հաշվետվությունների համաձայն կատարված Աշխատանքները (կամ դրանց որևէ մասը) համապատասխանում են Միջոցառման և սույն պայմանագրի պահանջներին, ապա դրանք ընդունվում են: Ընդ որում, Նվիրատուն հաշվետվությունն ընդունելու դեպքում եռօրյա ժամկետում այդ մասին գրավոր ծանուցում է Նվիրատուին:

**2.3** Նվիրատուն իրավունք ունի՝

**2.3.1** Կատարված Աշխատանքների կամ դրանց որևէ մասի արդյունքը Նվիրատուի կողմից ընդունվելու դեպքում՝ նրանից պահանջելու վճարել Նվիրատուին հասանելիք գումարները:

**2.3.2** Նվիրատուի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել Նվիրատուին պատճառված վնասները:

**2.4** Նվիրատուն պարտավոր է՝

**2.4.1** Իրականացնելով Նվիրատուի կողմից տրամադրված գումարների հաշվառում՝ Հայաստանի Հանրապետության օրենսդրությամբ հանրային հատվածի կազմակերպություն-

ների համար սահմանված հաշվապահական հաշվառման ստանդարտին համապատասխան:

**2.4.2** Սույն պայմանագրով նախատեսված ֆինանսական միջոցներն օգտագործել Միջոցառմամբ և (կամ) սույն պայմանագրով սահմանված նպատակներով ու չափաքանակներով, իսկ հաշվետու տարվա արդյունքներով՝ սույն պայմանագրով սահմանված նպատակներով և չափաքանակներով չօգտագործված միջոցները վերադարձնել ՀՀ պետական բյուջե՝ ոչ ուշ, քան մինչև 2019 թվականի դեկտեմբերի 25-ը, ընդ որում դրամաշնորհի նկատմամբ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և նշված հարկի վճարումների համար հատկացումների գծով չօգտագործված գումարները 2019 թվականի ընթացքում նույնպես ենթակա են վերադարձման ՀՀ պետական բյուջե:

**2.4.3** Կատարել Աշխատանքների կատարման բացահայտված թերությունների վերացման նպատակով Նվիրատուի կողմից տրված ցուցումները:

**2.4.4** Սույն պայմանագրով սահմանված կարգով Նվիրատուին ներկայացնել Աշխատանքների կատարման մասին հաշվետվություններ, իսկ Միջոցառման ավարտից հետո՝ ամփոփ հաշվետվություն:

**2.4.5** Սույն պայմանագրի գործողության ընթացքում ապահովել Միջոցառման իրականացմանը վերաբերող փաստաթղթերին ծանոթանալու Նվիրատուի հնարավորությունը՝ վերջինիս կողմից գրավոր պահանջ ներկայացնելու օրվանից 5 աշխատանքային օրվա ընթացքում.

**2.4.6** Աշխատանքների որևէ մասի կատարման մասին հաշվետվությունները Նվիրատուի կողմից հիմնավոր պատճառներով չընդունվելու դեպքում Նվիրատուն պարտավորվում է անվճար՝ Նվիրատուի կողմից սահմանված ողջամիտ ժամկետում վերացնել արձանագրված անհամապատասխանությունները.

**2.4.7** Միջոցառման իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

### **3. ԱՇԽԱՏԱՆՔՆԵՐԸ ԿԱՄ ԴՐԱՆՑ ՈՐԵՎԷ ՄԱՍԸ ՆՎԻՐԱՏՈՒԻ ԸՆԴՈՒՆՄԱՆԸ ՆԵՐԿԱՅԱՑՆԵԼՈՒ ԿԱՐԳԸ**

**3.1** Աշխատանքները կամ դրանց որևէ մասը Նվիրատուի կողմից ընդունվում են դրա մասին սույն պայմանագրի N 3 հավելվածում բերված ձևի՝ հանձնման-ընդունման արձանագրություն, Կողմերի ստորագրմամբ ու կնքմամբ:

**3.2** Յուրաքանչյուր ամիս կատարման ենթակա Աշխատանքների կամ դրանց որևէ մասի ավարտից 2 աշխատանքային օրվա ընթացքում Նվիրատուն կազմում, ստորագրում,

կնքում և Նվիրատուին է ներկայացնում հանձնման-ընդունման արձանագրության սրվու-  
օրինակը:

**3.3** Կատարված Աշխատանքները կամ դրանց որևէ մասը սույն պայմանագրի N 1 հավել-  
վածով և Աշխատանքների կատարման համար ՀՀ օրենսդրությամբ սահմանված պա-  
հանջներին համապատասխանելու դեպքում Նվիրատուն 5 աշխատանքային օրվա ըն-  
թացքում ստորագրում, կնքում և Նվիրատուին է վերադարձնում հանձնման-ընդունման  
արձանագրության մեկ օրինակը:

**3.4** Կատարված Աշխատանքները կամ դրանց որևէ մասը սույն պայմանագրի N 1 հա-  
վելվածով և (կամ) Աշխատանքների կատարման համար ՀՀ օրենսդրությամբ սահման-  
ված պահանջներին չհամապատասխանելու դեպքում Նվիրատուն 5 աշխատանքային օր-  
վա ընթացքում Նվիրատուին է ներկայացնում Աշխատանքները կամ դրանց որևէ մասը  
չընդունելու պատճառաբանված գրավոր մերժում, մատնանշելով անհամապատասխանու-  
թյունները և սահմանելով Աշխատանքների կամ դրանց որևէ մասի վերստին կատարման  
ողջամիտ ժամկետ:

**3.5** Կատարված Աշխատանքները կամ դրանց որևէ մասը համարվում է Նվիրատուի կող-  
մից ընդունված, եթե դրա հանձնման-ընդունման արձանագրությունը Նվիրատուից ստա-  
նալու պահից 5 աշխատանքային օրվա ընթացքում Նվիրտուն չի կատարում սույն պայ-  
մանագրի 3.3-րդ կամ 3.4-րդ կետերով նախատեսված գործողություններից որևէ մեկը:

**3.6** Կատարված Աշխատանքների կամ դրանց որևէ մասի հետ կապված վերջնահաշ-  
վարկները Կողմերի միջև կատարվում են յուրաքանչյուր եռամսյակի արդյունքներով  
(համաձայն հավելված 5՝ «Նախահաշվի»):

#### **4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

Սույն պայմանագրով և Միջոցառումով նախատեսված պարտավորությունների չկա-  
տարման կամ ոչ պատշաճ կատարման դեպքում Նվիրատուն պարտավորվում է Նվիրա-  
տուին փոխհատուցել Աշխատանքների չկատարված մասի չափով և վճարել տուգանք՝  
Աշխատանքների չկատարված մասի համար նախատեսված գումարի 1 տոկոսի չափով:  
Ընդ որում, տուգանքի վճարումը Նվիրատուին չի ազատում իր պարտավորությունները  
կատարելու և խախտումները վերացնելու պարտականությունից: Նվիրատուն սույն կետով  
նախատեսված գումարները հաշվարկում և հաշվանցում է Նվիրատուին վճարվելիք գու-  
մարներում:

#### **5. ՄՈՆԻԹՈՐԻՆԳԸ**

**5.1.** Նվիրատուն Միջոցառման իրականացման նախնական, ընթացիկ և վերջնական  
արդյունքների համապատասխանության գնահատման նպատակով իրականացնում է մո-  
նիթորինգ:

5.2. Մոնիթորինգն իրականացվում է Նվիրատուի և (կամ) նրա կողմից լիազորված անձի կողմից:

5.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Նվիրատուին տրվում են ցուցումներ, և կատարվում են առաջարկություններ:

5.4. Նվիրատուն ցանկացած ժամանակ կարող է Միջոցառման շրջանակներում իրականացնել մոնիթորինգ՝ ուսումնասիրելով Միջոցառմանն առնչվող ցանկացած փաստաթղթեր և նյութեր:

5.5. Մոնիթորինգի իրականացման ընթացքում Նվիրատուից կարող են պահանջվել գրավոր ու բանավոր պարզաբանումներ և բացատրություններ:

## **6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ**

6.1 Սույն պայմանագիրն ուժի մեջ է մտնում Կողմերի ստորագրման պահից և գործում է մինչև 2019 թվականի դեկտեմբերի 25-ը, իսկ պայմանագրի դրույթները տարածվում են մինչև դրա կնքման պահը՝ 2019 թվականի հունվարի 01-ից ծագած Կողմերի փաստացի իրավահարաբերությունների վրա:

## **7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)**

Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է այնպիսի արտակարգ ուժի ազդեցության հետևանքով, որը ծագել է սույն պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Նման իրավիճակներ են հանդիսանում մասնավորապես՝ երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, զանգվածային հասարակական անկարգությունները, գործադուլները, հաղորդակցության համակարգերի աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով Կողմերի պարտավորությունների կատարումը: Եթե արտակարգ ուժի ազդեցությունն անընդմեջ շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի ՀՀ օրենսդրությամբ սահմանված կարգով լուծել սույն պայմանագիրը՝ այդ մասին նախապես տեղյակ պահելով մյուս Կողմին:

## **8. ԵԶՐԱՓՈՒԿԻՉ ԴՐՈՒՅԹՆԵՐ**

8.1. Միջոցառումը հանդիսանում է սույն պայմանագրի անբաժանելի մասը:

8.2. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

**8.3.** Սույն պայմանագրով նախատեսված պարտավորությունների չկատարման հետ կապված վեճերը և սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ սահմանված կարգով:

**8.4** Սույն պայմանագիրը կազմված է 6 թերթից և \_\_ թերթ հավելվածներից, կնքվում է երկու հավասարազոր օրինակից՝ մեկական օրինակ յուրաքանչյուր Կողմին:

### **9. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ**

Նվիրատու՝ ՀՀ ՏՁՆՆ պետական գույքի կառավարման կոմիտե, ՀՎՀՀ 02528489, հասցեն՝ ք. Երևան, Տիգրան Մեծի 4, ՀՀ ֆինանսների նախարարության գործառնական վարչություն h/h 900011019032:

Նվիրատու՝ «Պետական գույքի գույքագրման և գնահատման գործակալություն» ՊՈԱԿ, ՀՀ իրավաբանական անձանց պետական ռեգիստրում գրանցման համարը՝ N 222.210.00408, գրանցման ամսաթիվը 08.10.2004 թ., վկայական N 03Ա085321, տրված 23.09.2009 թ., ՀՎՀՀ՝ 02562123 իրավաբանական և գործունեության հասցեն՝ ք. Երևան, Զաքիյան 10, ՀՀ ֆինանսների նախարարության գործառնական վարչություն h/h 900018002981:

**Նվիրատու՝**

**Նվիրառու՝**



**Ա. Օրոսյան**



**Է. Օհանյան**

**Հավելված N 1**

«Պետական գույքի հաշվառման նոր ավտոմատացված  
ու ամբողջական համակարգի սպասարկման  
դրամաշնորհի» 24 01 2019 թ. N 11224-03  
- 2019 պայմանագրի

**ՄԻՋՈՑԱՌՄԱՆ ՏԵԽՆԻԿԱԿԱՆ ԲՆՈՒԹԱԳԻՐ**

Նվիրառուն կազմակերպելու է **Պետական գույքի հաշվառման նոր ավտոմատացված ու ամբողջական համակարգի ծրագրային ապահովման սպասարկումը** ներառյալ.

1. անխափան աշխատանքի ապահովումը,
2. ընթացիկ տեխնիկական սպասարկումը և ծրագրային անսարքությունների վերացումը,
3. դրա ծավալի մինչև 25%-ի (քասանհինգ տոկոսի) սահմաններում անհրաժեշտ ծրագրային փոփոխությունների կատարումը:

**Նվիրատու՝**

**Նվիրառու՝**



\_\_\_\_\_ **Ա. Օրոսյան**



\_\_\_\_\_ **Է. Օհանյան**

**Հավելված N 2**

«Պետական գույքի հաշվառման նոր ավտոմատացված  
ու ամբողջական համակարգի սպասարկման  
դրամաշնորհի» 24 01 .2019 թ. N 11002-Յ  
- 2019 պայմանագրի

**ԱՇԽԱՏԱՆՔՆԵՐԻ ԿԱՏԱՐՄԱՆ ԺԱՄԱՆԱԿԱՑՈՒՅՑ**

N	Աշխատանքների և դրանց գնահատման քանակական ցուցանիշների անվանումները	Քանակը			
		3 ամիս	6 ամիս	9 ամիս	12 ամիս
1.	Պետական գույքի հաշվառման նոր ավտոմատացված ու ամբողջական համակարգի սպասարկում	1	1	1	1

Նվիրադրու՝

Նվիրառու՝



Ա. Օրոսյան



Է. Օհանյան



Հավելված N 3

Պետական գույքի հաշվառման նոր ավտոմատացված ու ամբողջական համակարգի սպասարկման դրամաշնորհի 15.01.2019 թ. N 1099-03 պայմանագրի 2019

Նվիրատու՝

ՀՀ ՏՀՆՆ պետական գույքի կառավարման կոմիտե, ՀՎՀՀ 02528489, հասցեն՝ ք. Երևան, Տիգրան Մեծի 4, ՀՀ ֆինանսների նախարարության գործառնական վարչություն h/h 900011019032

Նվիրառու՝

«Պետական գույքի գույքագրման և գնահատման գործակալություն» ՊՈԱԿ, ՀՎՀՀ 02562123, հասցեն՝ ք. Երևան, Զաքիյան 10, ՀՀ ֆինանսների նախարարության գործառնական վարչություն h/h 900018002981:

Ա Ր Ձ Ա Ն Ա Գ Ր ՈՒ Թ Յ ՈՒ Ն N \_\_\_\_\_ ԱՇԽԱՏԱՆՔՆԵՐԻ ՀԱՆՁՆՄԱՆ-ԸՆԴՈՒՆՄԱՆ «\_\_\_» \_\_\_\_\_ 2019 թ.

Պայմանագրի անվանումը՝ Պետական գույքի հաշվառման նոր ավտոմատացված ու ամբողջական համակարգի սպասարկման դրամաշնորհի:

Պայմանագրի կնքման ամսաթիվը՝ \_\_\_\_\_ 2019 թ.

Պայմանագրի համարը՝ \_\_\_\_\_

Նվիրատուն, ի դեմս պետական գույքի կառավարման կոմիտեի աշխատակազմի ղեկավարի պաշտոնակատար՝ Ա. Օբոսյանի և Նվիրառուն, ի դեմս «Պետական գույքի գույքագրման և գնահատման գործակալություն» ՊՈԱԿ-ի գլխավոր տնօրենի պարտականությունները ժամանակավորապես կատարող՝ Է. Օհանյանի, հիմք ընդունելով վերոհիշյալ պայմանագրի կատարման վերաբերյալ «\_\_\_» \_\_\_\_\_ 2019 թ. կազմված տեխնիկական հսկողության հանձնաժողովի N \_\_\_\_\_ եզրակացությունը, այն մասին, որ պայմանագրով նախատեսված՝ ստորև նշված Աշխատանքները համապատասխանում են պայմանագրով սահմանված նկարագրին և Աշխատանքների կատարման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Նվիրառուն «\_\_\_» \_\_\_\_\_ 2019 թ-ից մինչև «\_\_\_» \_\_\_\_\_ 2019 թ. ընկած ժամանակահատվածում կատարել է հետևյալ Աշխատանքները.

N	Աշխատանքի համառոտ նկարագիրը	Աշխատանքի քանակական ցուցանիշները	Աշխատանքի կատարման ժամկետը	Վճարման ենթակա գումարը (հազ. դրամ)	Վճարման ժամկետը (ըստ ժամանակացույցի)
	Ընդամենը	.....	.....		

Նվիրատու՝



Ա. Օբոսյան

Նվիրառու՝



Է. Օհանյան

**Հավելված N 4**

«Պետական գույքի հաշվառման նոր ավտոմատացված ու ամբողջական համակարգի սպասարկման դրամաշնորհի» 24 01 2019 թ. N 77992.03 պայմանագրի  
-2019

**ՎՃԱՐՄԱՆ ԺԱՄԱՆԱԿԱՑՈՒՅՑ**

N	Աշխատանքների անվանումները	Վճարման ենթակա գումարը (հազ. ՀՀ դրամ)			
		3 ամիս	6 ամիս	9 ամիս	12 ամիս
1.	Պետական գույքի հաշվառման նոր ավտոմատացված ու ամբողջական համակարգի սպասարկում	600,0	1.500,0	2.400,0	3.600,0

Նվիրադրու՝

Նվիրառու՝



Ա. Օրոսյան



Է. Օհանյան

«ՀԱՍՏԱՏՈՒՄ ԵՄ»

Նախահաշիվը 3600.0 (երեք միլիոն վեց հարյուր հազար) ՀՀ դրամ

Պետական գույքի կառավարման մարմնի նախագահ՝

Ն. Բաբայան

(ստորագրություն)

2019թ.

**ՆԱԽԱՀԱՇԻՎ**

Հիմնարկի կողմից բյուջեային հարկացումների հաշվին իրականացվող ծախսերի

(ըստ տնտեսագիտական դասակարգման հորվածների)

01 հունվարի 2019 թ - 25 դեկտեմբերի 2019 թ. ընկած ժամանակահատվածի համար

1. Կազմակերպության անվանումը « Պետական գույքի գույքագրման և գնահատման գործակալություն» ՊՈԱԿ

2. Փոստային հասցեն՝ ք. Երևան, Զաքիյան 10

3. Պետական կառավարման մարմնի անվանումը Պետական գույքի կառավարման կոմիտե

4. Հիմնարկը սպասարկող տեղական զանապետական բաժնի (ՏԳԲ) անվանումը - Երևան թիվ 1 զանապետական բաժնանոնք

հաշվառման համարը 9000180002981

7. Ծրագրի կոդը

19

8. Հափի միավորը՝ հազ. ՀՀ դրամ

Տողի համարը	Բյուջեային միջոցների գոյացման աղբյուրների և դրանց հաշվին իրականացվող ելքերի անվանումները ըստ տնտեսագիտական դասակարգման հորվածների	Տնտեսագիտական ծածկագրի համարը	Սույն նախահաշվով հաստատվող ցուցանիշները	այդ թվում ըստ եռամսյակների (եռամսյակի ամիսների աճողական )			Տարի
				Առաջին եռամսյակ	Առաջին կիսամյակ	9 ամիս	
Ա	Բ		1	2	3	4	5
2000000	ԸՆԴՊԱՆԵՆԸ ԵԿԱՄՈՒՏՆԵՐ	0066	3600.0	600.0	1500.0	2400.0	3600.0
	այդ թվում ԱԱՀ		600.0	100.0	250.0	400.0	600.0
1000000	ԸՆԴՊԱՆԵՆԸ ԾԱՆԽՍԵՐ		3600.0	600.0	1500.0	2400.0	3600.0
	այդ թվում						
1100000	Համակարգչային ծառայություններ	423700	3600.0	600.0	1500.0	2400.0	3600.0


Գլխավոր տնօրենի պարտականությունները ժամանակավորապես կատարող՝

*(Ստորագրություն)*

(ստորագրություն)

Ֆինանսական բաժնի պետ-գլխավոր հաշվապահ՝

(ստորագրություն)



Է. Օհանյան

Գ. Պողոջյան

Հավելված N 5

« Պետական գույքի հաշվառման նոր ավտոմատացված ու ամբողջական համակարգի սպասարկում որանաշնորհի» 401-2019 թ. N 77009-03-05 պայմանագրի